

E-B I L T E N	11.
Е-Б И Л Т Е Н	11.
E-B I L T E N	11.

NOVOSTI U EVROPSKOM PARLAMENTU I EVROPSKOJ UNIJI
НОВОСТИ У ЕВРОПСКОМ ПАРЛАМЕНТУ И ЕВРОПСКОЈ УНИЈИ
NOVOSTI U EUROPSKOM PARLAMENTU I EUROPSKOJ UNIJI

Juli-Avgust
Јул-Август
Srpanj-Kolovoz
2023.

Sadržaj:	Str.
	2
EVROPSKI SUD ZA LJUDSKA PRAVA U STRAZBURU BiH gubitnik u predmetu „Kovačević protiv BiH“	3
ЕУ ХВАЛИ САВЈЕТ МИНИСТАРА Отварање преговора могуће до краја ове године	4
ПОМОЋ ЕУ УКРАЈИНИ Мађарска блоkira 20 milijardi eura	5
ВОЈНА ОПРЕМА I AVIO DIJELOVI EU zabranila izvoz u Bjelorusiju	6
ТРАНСПОРТ УКРАЈИНСКОГ ЖИТА ЕК нема новца за додатне трошкове	7
REPATRIJACIJA Od 422 400 odluka o vraćanju realizirano manje od četvrtine	8
ОДБРАНА Stvara li EU svoju vojsku?	9
ДЕМОКРАТИЈА НА ДЈЕЛУ Достигнућа Парламента	10
VIRTUALNI OBILAZAK EU Europski parlament otvoren za posjetitelje	11

EVROPSKI SUD ZA LJUDSKA PRAVA U STRAZBURU

BiH gubitnik u predmetu „Kovačević protiv BiH“



Evropski sud za ljudska prava u Strazburu objavio je presudu u predmetu „Slaven Kovačević protiv Bosne i Hercegovine“ kojom je presuđeno u korist Kovačevića.

U presudi je, između ostalog, navedeno da je sa šest glasova za i jednim protiv, odlučeno da je došlo do povrede člana 1. Protokola br. 12. (opšta zabrana diskriminacije) uz Evropsku konvenciju o ljudskim pravima zbog toga što Kovačević nije adekvatno zastupljen u Domu naroda Parlamentarne skupštine Bosne i Hercegovine i Predsjedništvu Bosne i Hercegovine. Sud je utvrdio da je trenutni politički sistem etničku zastupljenost učinio relevantnijom od političkih, ekonomskih, socijalnih, filozofskih i drugih razmatranja i na taj način pojačao etničke podjele u zemlji i narušio demokratski karakter izbora. Konstitutivni narodi, smatra Sud, čigledno uživaju privilegovan položaj u sadašnjem sistemu.

Podnosilac apelacije se žalio da zbog kombinacije teritorijalnih i etničkih uslova koji se primjenjuju na Dom naroda Parlamentarne skupštine Bosne i Hercegovine nije mogao glasati za kandidate po svom izboru na posljednjim Opštim izborima, koji su održani 2022. Slično, nije mogao glasati za kandidate po svom izboru na posljednjim izborima za nivo Predsjedništva BiH.

Ovdje pogledajte presudu:



Presuda Kovacevic
V. Bosna i Hercegovini

Više o presudi:



Presuda Kovačević
v. BiH.docx

ЕУ ХВАЛИ САВЈЕТ МИНИСТАРА

Отварање преговора могуће до краја ове године



Високи представник за спољну и безбједносну политику и потпредсједник Европске комисије Јозеп Борел похвалио је напоре Савјета министара БиХ под вођством предсједавајуће Борјане Кришто јер је, како додаје, одржан конструктиван дијалог везано за убрзање европских реформи те јер је на националном нивоу постигнут одређени напредак.

- Цијенимо усклађивање безбједносне и спољне политике с ЕУ. Сада сте на 94 одсто што је готово потпуна усклађеност. Али усклађеност нису само изјаве. Усклађеност значи и дјелотворно спровођење и то морамо да причекамо – рекао је Борел.

- Нисмо имали сагласност једног члана унутар Савјета министара да усагласимо заједничку изјаву. То је изјава коју ми међу собом усуглашавамо и с Европском унијом. Она не овиси само о нашем усаглашавању. Али како није било разумијевања с ове стране, ми свакако не можемо да утичемо на изјаве и ставове ЕУ који се односе на процес интегрисања БиХ – објаснила је Кришто.

Више на линку:

<https://www.vecernji.ba/vijesti/eu-hvali-vijec-ministara-ako-bih-nastavi-reforme-otvaranje-pregovora-moguće-je-i-do-kraja-ove-godine-1696897>

POMOĆ EU UKRAJINI

Mađarska blokira 20 milijardi eura



Europska unija namjerava osigurati do 20 milijardi eura u sljedeće četiri godine, nastavljajući vojnu podršku Ukrajini u ratu s Rusijom, rekli su diplomatski izvori.

- Razgovarat ćemo o tome kako ćemo nastaviti dugoročno podržavati Ukrajinu, o sigurnosnim obvezama i garancijama koje možemo ponuditi - rekao je visoki predstavnik za europsku vanjsku politiku Josep Borrell prije sastanka europskih ministara vanjskih poslova u Bruxellesu, javlja belgijska novinska agencija Belga.

Tokom sastanka, Mađarska je rekla da će se protiviti tom planu sve dok Ukrajina ne ukloni mađarsku banku OTP sa svoje liste "ratnih sponzora".

Prema diplomatskom izvoru, Borrell bi predložio isporuku u iznosu od pet milijardi eura svake godine od 2024. do 2027. Izvor je također naveo da rasprava tek treba započeti.

Više na linku:

<https://www.vijesti.ba/clanak/606339/madjarska-u-eu-blokira-eu-20-milijardi-eura-pomoci-ukrajini>

VOJNA OPREMA I AVIO DIJELOVI

EU zabranila izvoz u Bjelorusiju



Evropska unija zabranila je izvoz vojne opreme i avio dijelova u Bjelorusiju, dok proširuje svoj program sankcija protiv ruskih saveznika.

Evropskom unijom predsjedava Španija a njena delegacija u Briselu opisala je sankcije kao odgovor na „situaciju u Bjelorusiji i umiješanost Bjelorusije u rusku agresiju u Ukrajini“, navodi AFP.

Za uvođenje sankcija potrebno je odobrenje svih 27 članica, što je nedostajalo za širi paket ograničenja koji bi bio usmjeren na bjelorusku industriju.

Avionski motori i ono što je opisano kao „vojna i avio roba dvostruke namjene“ su među zabranjenim proizvodima.

Ambasador Litvanije u EU, Arnoldas Pranckevicius, objavio je da embargo podrazumijeva “robu na ratištu i za avijaciju dvostruke namjene“, kao i crnu listu pojedinaca. Reuters navodi da odluka još uvijek mora biti finalizirana i da će stupiti na snagu ako nijedna od 27 država članica ne ospori ovaj potez.

AGENCIJE

ТРАНСПОРТ УКРАЈИНСКОГ ЖИТА

ЕК нема новца за додатне трошкове



Европска комисија тренутно нема новца у буџету и нема јасан начин да помогне финансирање додатних транспортних трошкова неопходних за извоз украјинских житарица, након што се Русија повукла из споразума о извозу житарица Црним морем, пренио је Ројтерс позивајући се на неименоване изворе.

Агенција наводи да то оставља Русији "прилику да заради", док Кијев процјењује да је додатни трошак 30-40 долара по тони.

У писму украјинско Министарство пољопривреде затражило је од шефа ЕУ за трговину Валдиса Домбровскиса да ЕК обезбиједи финансијску помоћ за додатне транспортне трошкове коришћења алтернативних рута ЕУ познатих као солирадни коридори.

У писму Кијев тражи и да се коридори прошире за 1-1,5 милиона тона мјесечно кроз "зелене коридоре" који укључују Јадранско море, Балтичке државе, Њемачку и Холандију.

Више на линку:

<https://www.nezavisne.com/ekonomija/trziste/EK-nema-novca-za-dodatne-troskove-transporta-ukrajinskog-zita/782287>

REPATRIJACIJA

Od 422 400 odluka o vraćanju realizirano manje od četvrtine



U 2022. godini za 141 060 osoba odbijen je ulazak u EU a glavni razlozi za to su neposjedovanje valjane vize ili boravišne dozvole te nemogućnost opravdanja svrhe i uvjeta za boravak, dok je EU u tom periodu izdala 422 400 odluka o vraćanju ali manje od četvrtine državljana trećih zemalja vraćeno je u zemlju izvan EU.

Primarne nacionalnosti kojima je odbijen ulazak te godine uključivale su državljane Alžira, Maroka i Pakistana.

Novi pakt EU-a o migracijama i azilu uključuje nova pravila i reviziju postojećeg zakonodavstva, kao što je Direktiva o vraćanju.

U prijedlogu rezolucije Direktive o vraćanju, usvojenom u prosincu 2020, zastupnici su naglasili važnost zaštite temeljnih prava pojedinaca i poštivanje proceduralnih zaštitnih mjera.

Europski parlament je u travnju 2023. usvojio svoje pregovaračko stajalište o Uredbi o provjerama i Uredbi o postupcima azila i sad je spreman za pregovore s Vijećem.

Više na linku:

<https://www.europarl.europa.eu/news/hr/headlines/society/20230704STO02012/repatrijacija-koliko-migranata-je-vraceno-iz-eu-a>

ODBRANA

Stvara li EU svoju vojsku?



EU je posljednjih nekoliko godina poduzela značajne mjere za poboljšanje suradnje u području obrane iako vojska EU ne postoji i obrana je isključivo u nacionalnoj nadležnosti.

Od 2016. godine dogodio se značajan napredak u području sigurnosti i obrane. Kroz nekoliko inicijativa pokrenuta je saradnja i ojačan odbrambeni kapacitet Evrope.

Velika većina građana EU, njih 81 posto, zalaže se za zajedničku odbrambenu i sigurnosnu politiku, a prema podacima Eurobarometra za 2022. najmanje dvije trećine građana podupire je u svakoj zemlji. Oko 93 posto slaže se da bi zemlje trebalo da zajedno brane teritorij EU, dok 85 posto smatra da bi saradnju u području obrane na razini EU trebalo povećati.

Nijedna država članica Evropske unije ne može se sama nositi s trenutnim prijetnjama sigurnosti i vodeći ljudi Evropske unije toga su svjesni. Francuski predsjednik Macron 2017. je podržao zajednički europski vojni projekt, a bivša njemačka kancelarka Merkel izjavila je da “trebamo raditi na viziji o uspostavljanju evropske vojske” u svom obraćanju Evropskom parlamentu u novembru 2018. Kretanje u smjeru sigurnosne i obrambene unije prioritet je Evropske komisije.

Više na linku:

<https://www.europarl.europa.eu/news/hr/headlines/security/20190612STO54310/obrana-stvara-li-eu-svoju-vojsku>

ДЕМОКРАТИЈА НА ДЈЕЛУ

Достигнућа Парламента



На основу искустава стечених током пандемије и недавне геополитичке и енергетске кризе, законодавци су се усредсредили на европску зелену и дигиталну транзицију како би изградили отпорну привреду и ојачали демократску контролу и основна права.

Законодавна опсерваторија Европског парламента централна је база података и алат за праћење који пружа потпуне информације о укупном прошлом и садашњем раду Парламента, без обзира на то је ли ријеч о законодавном или незаконодавном раду. Нуди врло прилагодљив претраживач за филтрирање садржаја.

Сазнајте више о достигнућима Парламента у подручјима политика која су Парламент, Савјет и Комисија утврдили као заједничке приоритете и обавезали се да ће у њима да постигну напредак прије сљедећих европских избора 2024.

Више на линку:

https://www.europarl.europa.eu/news/hr/press-room/press-tool-kit/1/demokracija-na-djelu-postignuca-parlamenta?at_medium=banner&at_campaign=democracyinaction&at_send_date=20230614&at_creation=portal-banner

VIRTUALNI OBILAZAK EU

Europski parlament otvoren za posjetitelje



Parlamentarij u Bruxellesu najveći je europski centar za posjetitelje. U njemu se nalazi kino u kojem možete pogledati projekciju od 360 stupnjeva o Europi i njezinu Parlamentu. Saznajte kako radi Parlament, kako se donosi zakonodavstvo i zašto je europska politika važna. Interaktivna podna karta vodi vas na virtualni obilazak EU. Parlamentarij je otvoren svaki dan, a ulaz je besplatan. Centar je u potpunosti prilagođen osobama s invaliditetom. Obiđite Kuću europske povijesti, posjetite Vijećnicu u Bruxellesu, Info Hub, obiđite europsku četvrt uz virtualne vodiče te Europski parlament u Strasbourgu...

Više na linku:

<https://www.europarl.europa.eu/news/hr/headlines/eu-affairs/20210628STO07261/europski-parlament-otvoren-je-za-posjetitelje>